



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ამილახვრები



ამილახვრები, ქართლის თავადთა გვარი; მსხვილი სათავადოს - საამილახვროს - მფლობელები ფეოდალურ საქართველოში.

ამილახვარი სამოხელეო თანამდებობისაგან - ამილახორისაგან წარმომდგარი გვარია. თავდაპირველად ისინი ზევდგინიძეები ყოფილან. XV-XVI სს-ში ზევდგინიძე-ამილახვრებად იწოდებიან, XVII ს-იდან კი-ა-ად.

#### ამილახვრები

ა-ის სათავადოს საფუძველი XIV ს. დასაწყისში ჩაეყარა. მათი განსაკუთრებული აღზვევა XV ს. I ნახევრიდან იწყება. ა. თვალსაჩინო პოლიტ. მოღვაწეები იყვნენ და მსხვილი სამოხელეო თანამდებობები ეჭირათ. ამილახვრობის გარდა XV ს-ში ჰქონდათ გორის მოურავის, ეზოს ჩუხჩარეხის და მოლარეთუხუცესის თანამდებობანი. XVI ს-იდან ა-ის სათავადოს უფროსი ბემო ქართლის სადროშოს სარდალი იყო; სხვა წევრებს სხვადასხვა დროს ეშიკალასბაშის, ბოქაულთუხუცესის, ყორჩიბაშის და სხვ. თანამდებობანი ეკავათ. ა-ის სათავადო პოლიტ. პარტიკულარიზმის ერთ-ერთი მძლავრი ბუდე იყო ქართლის სამეფოში.

ლიტ.: ბ ე რ ძ ე ნ ი შ ვ ი ლ ი ნ., ფეოდალური ურთიერთობიდან XV საუკუნეში, წგ.: საქართველოს ისტორიის საკითხები, წგ. 2, თბ., 1965; გ ვ რ ი ტ ი შ ვ ი ლ ი დ., ფეოდალური საქართველოს სოციალური ურთიერთობის ისტორიიდან (ქართლის

სათავადობი), თბ., 1955; ქ ი ქ ო ძ ე მ., ქართლის სათავადობის ისტორიიდან XV–XVIII სს. (სამილახორო), «მასალები საქართველოსა და კავკასიის ისტორიისათვის», 1963, ნაკვ. 35.

**გ. აკოფაშვილი**

---